

ZAKON

O IZMJENAMA ZAKONA O TURISTIČKO-UGOSTITELJSKOJ DJELATNOSTI

Član 1.

U Zakonu o turističko-ugostiteljskoj djelatnosti ("Službene novine Federacije BiH" broj 19/96) u članu 66. stav 2. tačka 2. mijenja se i glasi:

"2. da ima poslovni prostor za koji ima dokaz o pravu vlasništva ili ugovor o zakupu ili saglasnost vlasnika poslovnog prostora ovjerenu kod nadležnog organa."

Iza stava 2. dodaje se novi stav 3. koji glasi:

"Fizičko lice može obavljati ugostiteljsku djelatnost kao dopunsko zanimanje ako ispunjava uvjete iz stava 2. ovog člana i ako već ima zasnovan radni odnos po bilo kom osnovu i ukoliko posebnim zakonom nije drugačije propisano."

Član 2.

U članu 69. stav 1. tačka 1. mijenja se i glasi:

"odjavom obavljanja djelatnosti koje se vrši pisanim putem prije prestanka rada kod nadležnog općinskog tijela; ako u odjavi nije naznačen datum prestanka pružanja usluga ugostitelja, prestanak se utvrđuje danom podnošenja zahtjeva, s tim što se prestanak obavljanja ugostiteljske djelatnosti ne može objaviti unatrag."

Član 3.

U članu 107. dodaje se novi stav 3. koji glasi:

"Inspekcijski pregled treba u isto vrijeme biti obavljen na takav način da ne ometa redovno obavljanje rada i poslovanja."

Član 4.

Član 108. mijenja se i glasi:

"Inspektor će rješenjem zabraniti pružanje usluga pravnom i fizičkom licu ako obavlja ugostiteljsku ili turističku djelatnost bez upisa u zakonom propisani upisnik.
Inspektor rješenje iz stava 1. ovog člana donijet će bez odlaganja, a najkasnije u roku od osam dana od dana završetka nadzora s utvrđenim činjenicama odlučnim za donošenje rješenja.
Inspektor će rješenjem zabraniti pružanje usluga pravnom i fizičkom licu ako obavlja ugostiteljsku i turističku djelatnost bez rješenja nadležnog tijela državne uprave kojim je utvrđeno da prostor, i oprema udovoljavaju propisanim uvjetima ili suprotno izdanom odobrenju ako je obavljanje tih djelatnosti odnosno pružanje tih usluga u suprotnosti sa zakonom.
Rješenje iz stava 3. ovog člana inspektor će donijeti bez odlaganja, a najkasnije u roku od osam dana od dana završetka nadzora s utvrđenim činjenicama, odlučnim za donošenje rješenja, s tim da se rješenjem mora ostaviti rok ne kraći od 30 dana pravnom i fizičkom licu da prilagodi pružanje usluga u skladu sa zakonom."

Član 5.

U članu 124. stav 1., 125. stav 1. 126. stav 1. i 127. stav 1. riječi: "pravno lice" zamjenjuju se riječju "ugostitelj".

Član 6.

Novčani iznosi u Zakonu označeni u "DEM" zamjenjuju se u "KM" (konvertibilna marka).

Član 7.

Član 134. briše se.

Član 8.

Ovaj zakon stupa na snagu narednog dana od dana objavljivanja u "Službenim novinama Federacije BiH".

Predsjedavajući
Doma naroda
Parlamenta Federacije BiH
Slavko Matić, s. r.

Predsjedavajući
Predstavničkog doma
Parlamenta Federacije BiH
Muhamed Ibrahimović, s. r.